



CONSORCIO PROVINCIAL DE LUGO PARA A PRESTACIÓN DO SERVIZO CONTRA INCENDIOS E SALVAMENTO

Anuncio

MODIFICACION BASES

BASES PARA A SELECCIÓN E PROVISION POR CONCURSO-OPOSICIÓN DE 37 PRAZAS DE BOMBEIRO-CONDUTOR DO CONSORCIO PROVINCIAL DE LUGO PARA A PRESTACIÓN DO SERVIZO CONTRA INCENDIOS E SALVAMENTO.

Con data 29 de agosto de 2025, dáse publicidade no Boletín Oficial da Provincia de Lugo núm. 198, ás bases que rexerán a convocatoria do proceso selectivo para a selección e provisión por concurso-oposición de 37 prazas de bombeiro-condutor do Consorcio Provincial de Lugo para a Prestación do Servizo contra Incendios e Salvamento.

Presentados en prazo recursos de reposición contra o acordo de data 24/07/2025 polo que se aprobaron as Bases, e unha vez resoltos os mesmos, a Comisión Executiva do Consorcio Provincial de Lugo, en sesión celebrada o 28 de novembro do 2025, acorda modificar as bases nos seguintes termos:

1º) Modificar o punto 7 do apartado A da Base Terceira:

Onde di:

“Acreditación do coñecemento da lingua galega no nivel CELGA 2 ou equivalente, de acordo coa disposición adicional segunda da Orde do 16 de xullo de 2007, pola que se regulan os certificados acreditativos dos niveis de coñecemento da lingua galega, publicado no DOG nº 146, do 30 de xullo de 2007 así como o disposto na Orde do 10 de febreiro de 2014 pola que se modifica a Orde do 16 de xullo de 2007, pola que se regulan os certificados oficiais acreditativos dos niveis de coñecemento da lingua galega (Celga), publicada no DOG núm. 34 do 19 de febreiro de 2014.”

Debe dicir:

“Nivel de galego: CELGA 3 ou equivalente, de acordo coa disposición adicional segunda da Orde do 16 de xullo de 2007, pola que se regulan os certificados acreditativos dos niveis de coñecemento da lingua galega, publicado no DOG nº 146, do 30 de xullo de 2007 así como o disposto na Orde do 10 de febreiro de 2014 pola que se modifica a Orde do 16 de xullo de 2007, pola que se regulan os certificados oficiais acreditativos dos niveis de coñecemento da lingua galega (Celga), publicada no DOG núm. 34 do 19 de febreiro de 2014.”

2º) Modificar a Base Cuarta:

Onde di:

“Título acreditativo do nivel de galego, Celga 2.”

Debe dicir:

“Título acreditativo do nivel de galego, Celga 3, no caso de dispor do mesmo.”

3º) Modificar a Base Oitava:

Onde di:

“A fase de oposición consistirá na realización de cinco exercicios todos eles obrigatorios, e así mesmo eliminatorios, non podendo pasar ao seguinte exercicio, quen non superase o anterior con polo menos a puntuación mínima sinalada nestas bases para cada exercicio.”

Debe dicir:

“A fase de oposición consistirá na realización de catro exercicios todos eles obrigatorios, e así mesmo eliminatorios, non podendo pasar ao seguinte exercicio, quen non superase o anterior con polo menos a puntuación mínima sinalada nestas bases para cada exercicio.”

Onde di:

“PUBLICACIÓN”

Debe dicir:**“CUARTO EJERCICIO: PROBA DE GALEGO (APTO/NON APTO).”**

En cumprimento do sinalado no artigo 51 da Lei 2/2015, do 29 de abril, do Emprego Público de Galicia, a proba de galego consistirá na tradución dun texto de castelán para galego e outro de galego para castelán, a proposta do Tribunal, nun tempo máximo de 30 minutos, cuxo contido corresponderá ao esixido para a obtención da acreditación do nivel de galego que se esixe na Base Terceira: CELGA 3.

Estarán exentos da realización da proba de galego as persoas aspirantes que acrediten posuir, dentro do prazo de presentación de solicitudes, o nivel de galego esixido na Base Terceira.

Este exercicio é obrigatorio e eliminatorio; cualificarase como apto ou non apto, sendo necesario obter o resultado de apto para superalo.

PUBLICACIÓN”

4º) Modificar a Base Novena:**Onde di:**

“Para a cualificación dos exercicios da oposición o tribunal axustarase ao establecido nas presentes bases, tomando como referencia que a puntuación máxima a obter na fase de oposición será de 60 puntos e na fase de probas físicas serán 40 puntos. As probas físico – profesionais cualificaranse como Apto/a ou Non Apto.”

Debe dicir:

“Para a cualificación dos exercicios da oposición o tribunal axustarase ao establecido nas presentes bases, tomando como referencia que a puntuación máxima a obter na fase de oposición será de 60 puntos e na fase de probas físicas serán 40 puntos. As probas físico – profesionais e a proba de galego cualificaranse como Apto/a ou Non Apto/a.”

Onde di:**“Terceiro exercicio. PROBAS FÍSICO – PROFESIONAIS:**

Cualificarase de “APTO” ou “NON APTO”, sendo necesario obter o mínimo do perfil establecido para a proba.”

Debe dicir:**“Terceiro exercicio. PROBAS FÍSICO – PROFESIONAIS:**

Cualificarase de “APTO” ou “NON APTO”, sendo necesario obter o mínimo do perfil establecido para a proba.

Cuarto exercicio. PROBA DE GALEGO:

Cualificarase de “APTO” ou “NON APTO”, sendo necesario obter o resultado de Apto para superalo.”

5º) Modificar a Base Decimo Primeira:**Onde di:**

“Os/as aspirantes propostos deberán presentar na Secretaría do Consorcio, dentro do prazo de vinte días hábiles dende que se faga pública a resolución do Tribunal cualificador, os documentos acreditativos de reunir as condicións de capacidade e requisitos esixidos na convocatoria, a saber:

- 1.- Orixinal para a súa autenticación do documento nacional de identidade.*
- 2.- Orixinal para a súa autenticación da titulación esixida na convocatoria, ou no seu caso certificación académica que acredite realizar todos os estudos necesarios para a obtención do título e resguardo xustificativo de solicitar a súa expedición.*
- 3.- Orixinal para a súa autenticación do permiso de condución esixido na convocatoria.*
- 4.- Declaración responsable de non ser separado mediante expediente disciplinario do servizo de calquera das administracións públicas, nin acharse inhabilitado por resolución xudicial para o desempeño de emprego ou cargo público.*
- 5.- Certificado do Rexistro central de penados e rebeldes do Ministerio de Xustiza acreditativo de carecer o aspirante de antecedentes penais.”*

Debe dicir:

“Os/as aspirantes propostos deberán presentar na Secretaría do Consorcio, dentro do prazo de vinte días hábiles dende que se faga pública a resolución do Tribunal cualificador, os documentos acreditativos de reunir as condicións de capacidade e requisitos esixidos na convocatoria, a saber:

- 1.- Orixinal para a súa autenticación do documento nacional de identidade.*
- 2.- Orixinal para a súa autenticación da titulación esixida na convocatoria, ou no seu caso certificación académica que acredite realizar todos os estudos necesarios para a obtención do título e resguardo xustificativo de solicitar a súa expedición.*

3.- Orixinal para a súa autenticación do permiso de condución esixido na convocatoria.

4.- Declaración responsable de non ser separado mediante expediente disciplinario do servizo de calquera das administracións públicas, nin acharse inhabilitado por resolución xudicial para o desempeño de emprego ou cargo público.

5.- Certificado do Rexistro central de penados e rebeldes do Ministerio de Xustiza acreditativo de carecer o aspirante de antecedentes penais.

6.- Orixinal para a súa autenticación, do título acreditativo do nivel de galego Celga 3 ou equivalente, no caso de que se dispuxese do mesmo no momento no que se presentou a solicitude para participar no proceso selectivo."

Detectado un erro material de transcripción nas táboas incluídas no apartado correspondente ao segundo exercicio - probas físicas, por acordo da Comisión Executiva, reunida o 03 de marzo do 2026, procede a súa rectificación nos seguintes termos:

Proba 4. EXERCICIO DE AXILIDADE. (Test de Barrow).

Onde di:

NOTA	TEMPO EN SEGUNDOS MASCULINO	TEMPO EN SEGUNDOS FEMININO
2,5	26"	32"
2,75	25,5"	31,5"
3	25"	31"
3,25	24,5"	30,5"
3,50	24"	30"
3,75	23,5"	29,5"
4	23"	29"
4,25	22,5"	28,5"
4,5	22"	28"
4,75	21,5"	27,5"
5	21"	27"

Debe dicir

NOTA	TEMPO EN SEGUNDOS MASCULINO	TEMPO EN SEGUNDOS FEMININO
2,5	28"	34"
2,75	27,5"	33,5"
3	27"	33"
3,25	26,5"	32,5"
3,50	26"	32"
3,75	25,5"	31,5"
4	25"	31"
4,25	24,5"	30,5"
4,5	24"	30"
4,75	23,5"	29,5"
5	23"	29"

Proba 5. PROBA DE NATACIÓN: Natación, mergullo con aletas, natación e remolque con aletas (150 metros)

Onde di:

TEMPO HOMES	TEMPO MULLERES	PUNTUACIÓN
2'25"00 o más	2'45"00 o más	Eliminado/a
Entre 2'16"00 y 2'24"00	Entre 2'35"00 y 2'44"00	0,00
Entre 2'07"00 y 2'15"00	Entre 2'25"00 y 2'34"00	1,00
Entre 1'58"00 y 2'06"00	Entre 2'15"00 y 2'24"00	2,00
Entre 1'49"00 y 1'57"00	Entre 2'05"00 y 2'14"00	3,00
Entre 1'40"00 y 1'48"00	Entre 1'55"00 y 2'04"00	4,00
Menos de 1'40"00	Menos de 1'55"00	5,00

Debe dicir:

TEMPO HOMES	TEMPO MULLERES	PUNTUACIÓN
2'40"00 o más	3'00"00 o más	Eliminado/a
Entre 2'31"00 y 2'39"00	Entre 2'51"00 y 2'59"00	0,00
Entre 2'22"00 y 2'30"00	Entre 2'42"00 y 2'50"00	1,00
Entre 2'13"00 y 2'21"00	Entre 2'33"00 y 2'41"00	2,00
Entre 2'04"00 y 2'12"00	Entre 2'24"00 y 2'32"00	3,00
Entre 1'55"00 y 2'03"00	Entre 2'15"00 y 2'23"00	4,00
Menos de 1'55"00	Menos de 2'15"00	5,00

Lugo, 3 de marzo de 2026.- O secretario-interventor do Consorcio, José Antonio Mourelle Cillero.

R. 0558

Anuncio**OFERTA DE EMPREGO PÚBLICO DO CONSORCIO PROVINCIAL DE LUGO PARA A PRESTACIÓN DO SERVIZO CONTRA INCENDIOS E SALVAMENTO ANO 2026**

Por acordo da Comisión Executiva do Consorcio de data 03 de marzo de 2026, aprobouse a Oferta de Emprego Público do Consorcio Provincial de Lugo para a Prestación do Servizo contra Incendios e Salvamento co seguinte contido:

"Analizadas as necesidades de recursos humanos do Consorcio Provincial de Lugo e resultando que nos Cadros de persoal funcionario e laboral desta Entidade e na Relación de Postos de Traballo (RPT) vixente, aprobados xunto co Orzamento para o ano 2026, existen diversas prazas vacantes que resultan necesarias para o correcto funcionamento dos servizos.

As devanditas prazas e os correspondentes postos de traballo atópanse debidamente dotados orzamentariamente.

Así mesmo, faise constar que na presente Oferta de Emprego Público non se contempla reserva de prazas para persoas con discapacidade, sen prexuízo do disposto no artigo 59 do Estatuto Básico do Emprego Público, circunstancia que deberá ser tida en conta en futuras ofertas conforme á normativa vixente, xa que a porcentaxe recollida do 7% non da lugar a unha prazo do total.

En cumprimento do establecido nos artigos 36.3 e 37.1.I) do Estatuto Básico do Emprego Público, procédese a someter á Mesa Xeral de Negociación Común do Consorcio Provincial de Lugo (persoal funcionario e persoal laboral), na sesión celebrada o 24 de febreiro de 2026, a aprobación dos criterios xerais e do contido da Oferta de Emprego Público correspondente a ese exercicio.